



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՐԱՆՍՊՈՐՏԻ ԵՎ ԿԱՊԻ ՆԱԽԱՐԱՐՈՒԹՅՈՒՆ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՐԱՆՍՊՈՐՏԱՅԻՆ ՏԵՍՉՈՒԹՅՈՒՆ

ՈՐՈՇՈՒՄ 025120

ՎԱՐՉԱԿԱՆ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՄԱՍԻՆ

ք. Երևան

«11»դեկտեմբերի 2015 թ.

Քննելով ՀՀ տրանսպորտային տեսչության աշխատակիցների կողմից կազմված վերահսկողության արդյունքների ամփոփման «11»-ը օգոստոսի 2015թ-ի թիվ 025120 արձանագրությունը և գործին առնչվող այլ նյութերը.

ՊԱՐԶԵՑԻ

ՀՀ տրանսպորտային տեսչության վերահսկողության արդյունքների ամփոփման «11»-ը օգոստոսի 2015թ-ի թիվ 025120 արձանագրությամբ արձանագրվել է, որ **«Փինկ» ՍՊԸ-ին պատկանող «Շկոդա» մակնիշի 6920V61 հաշվառման համարանիշի տրանսպորտային միջոցով, վարորդ՝ Արտակ Սերգեյի Աբրահամյան, 11.08.2015թ-ին, ժամը 12-05-ին Երևան քաղաքի, Հանրապետության Հրապարակում տարածքում իրականացրել է տաքսամոտորային փոխադրում՝ առանց փոխադրումների կազմակերպման լիցենզիայի :**

Փաստի առթիվ հարուցվել է վարչական վարույթ, որի քննությունը նշանակվել էր «21»-ը օգոստոսի 2015 թ-ին: Վարույթի անցկացման օրը կայացվել է թիվ 025120 որոշումը **«Փինկ» ՍՊԸ-ին** վարչական պատասխանատվության ենթարկելու մասին:

«Փինկ» ՍՊԸ-ի տնօրենը դիմում է ներկայացրել ՀՀ տրանսպորտի և կապի նախարարության ՀՀ տրանսպորտային տեսչության պետին՝ տրանսպորտային միջոցը 01.07.2015 թվականին կնքված վարձակալության պայմանագրով Արտակ Սերգեյի Աբրահամյանին /ք.Գյումրի,Թբիլիսյան խճ.40/16 տրամադրելու վերաբերյալ և խնդրել է վերանայել ՀՀ տրանսպորտային տեսչության 01.09.2015 թ-ի թիվ 025120 որոշումը:

Հիմք ընդունելով <<Փինկ>> ՍՊ ընկերության և Արտակ Սերգեյի Աբրահամյանին միջև 01.07.2015 թվականին կնքված **«Շկոդա» մակնիշի 6920V61 հաշվառման համարանիշի տրանսպորտային միջոցի** վարձակալության պայմանագրի 2.5.4 կետը և ղեկավարվելով ՀՀ վարչական իրավախախտումների վերաբերյալ 137/2-րդ հոդվածի 7-րդ պարբերությամբ՝

ՈՐՈՇԵՑԻ

1.Ուժը կորցրած ճանաչել ՀՀ տրանսպորտային տեսչության 01.09.2015 թվականի թիվ 025120 որոշումը:

2. Արտակ Սերգեյի Աբրահամյանին ենթարկել վարչական պատասխանատվության և նշանակել վարչական տույժ՝ 50 000 /հիսուն հազար/ ՀՀ դրամի չափով

3. Սույն որոշման մասին տեղեկացնել տրանսպորտային միջոցի սեփականատեր «Փինկ» ՍՊԸ-ին:

4. Սույն որոշման մասին տեղեկացնել տրանսպորտային միջոցի վարորդ՝ շահագործող Արտակ Սերգեյի Աբրահամյանին:

Ծանոթություն.

Սույն որոշումը կարող է բողոքարկվել այն ստանալուց տասն օրվա ընթացքում:

Տուգանքը պետք է վճարվի սույն որոշումը ստանալու օրվանից ոչ ուշ, քան տասնհինգ օրվա ընթացքում, իսկ տվյալ որոշումը գանգատարկելու կամ բողոքարկելու դեպքում՝ գանգատը կամ բողոքն առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի 900005240420 հաշվեհամարին:



Ա. ՄԻՐԻՋԱՆՅԱՆ